



গণপ্রজাতন্ত্রী বাংলাদেশ সরকার



তথ্য অধিদফতর

PRESS INFORMATION DEPARTMENT, GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-২২২

মহান স্বাধীনতা ও জাতীয় দিবসের কর্মসূচি

রাজশাহী, ১১ চৈত্র (২৫ মার্চ) :

আগামী মঙ্গলবার (২৬ মার্চ) মহান স্বাধীনতা ও জাতীয় দিবস। বাঙালি জাতির ইতিহাসে এক অরণীয় দিন। দিবসটি যথাযোগ্য মর্যাদায় উদয়াপনের লক্ষ্যে বিভিন্ন কর্মসূচি গ্রহণ করেছে রাজশাহী জেলা প্রশাসন।

এ দিন সূর্যোদয়ের সাথে সাথে সকল সরকারি, আধাসরকারি, স্বায়ত্ত্বাসিত ও বে-সরকারি ভবনসমূহে জাতীয় পতাকা উত্তোলন, জেলা পুলিশ লাইনে ৩১ বার তোপধ্বনি ও জেলা প্রশাসকের কার্যালয় চতুরে শহিদ স্মৃতিফলকে পুষ্পস্তৱক অর্পণের মাধ্যমে দিনের কর্মসূচি শুরু হবে।

এদিন রাজশাহী বিভাগীয় কমিশনার দেওয়ান মুহাম্মদ হুমায়ুন কবীর কর্তৃক সকাল আটটায় মুক্তিযুদ্ধ স্মৃতি স্টেডিয়ামে আনুষ্ঠানিকভাবে জাতীয় পতাকা উত্তোলন, জেলা সদরের বীর মুক্তিযোদ্ধা, পুলিশ, আনসার ও ভিডিপি, বিএনসিসি, ফায়ার সার্ভিস ও সিভিল ডিফেন্স, স্কুল, কলেজ, মাদ্রাসাসহ বিভিন্ন শিক্ষা ও সামাজিক প্রতিষ্ঠান, শিশু কিশোর সংগঠন, কারারক্ষী, বাংলাদেশ স্কাউট, রোভার স্কাউট, গার্লস গাইড দলের অংশগ্রহণপূর্বক কুচকাওয়াজ ও পুরস্কার বিতরণ অনুষ্ঠিত হবে।

সকাল দশটায় রাজশাহী জেলা শিল্পকলা একাডেমি মিলনায়তনে ‘জাতির পিতা বঙ্গবন্ধু শেখ মুজিবুর রহমান এঁর প্রতিহাসিক নেতৃত্ব এবং দেশের উন্নয়ন’ শীর্ষক আলোচনা সভা ও বীর মুক্তিযোদ্ধাগণের সংবর্ধনা অনুষ্ঠিত হবে। অনুষ্ঠানে বীর মুক্তিযোদ্ধাদের সংবর্ধনা প্রদান করা হবে।

বাদ যোহর সকল মসজিদ ও অন্যান্য উপাসনালয়ে জাতির শান্তি ও অগ্রগতি কামনা করে বিশেষ মোনাজাত ও প্রার্থনা করা হবে।

এ দিন সুবিধামত সময়ে হাসপাতাল, কারাগার, শেখ রাসেল শিশু পুনর্বাসন কেন্দ্র, শিশু সদন, শিশুবিকাশ কেন্দ্র, শিশুমণি নিবাস, মা-মনি বিকাশ কেন্দ্রসমূহে উন্নতমানের খাবার পরিবেশন করা হবে।

সুবিধামত সময়ে সিনেমা হলসমূহে বিনা টিকিটে ছাত্র-ছাত্রীদের জন্য মুক্তিযুদ্ধ ভিত্তিক চলচিত্র প্রদর্শনী এবং উন্মুক্ত স্থানে মুক্তিযুদ্ধ ভিত্তিক প্রামাণ্যচিত্র প্রদর্শনীর আয়োজন করা হবে। সিনেমা হলসমূহ বিনা টিকেটে ছাত্র-ছাত্রীদের জন্য মুক্তিযুদ্ধ বিষয়ক চলচিত্র প্রদর্শন করবে এবং শহরের গুরুত্বপূর্ণ স্থানসমূহে মুক্তিযুদ্ধভিত্তিক প্রামাণ্যচিত্র প্রদর্শনীর আয়োজন করা হবে।

এদিন শহরের প্রধান প্রধান সড়ক ও সড়কবীপসমূহ জাতীয় পতাকাসহ বিভিন্ন পতাকা দ্বারা সজ্জিতকরণ করা হবে। ২৬ মার্চ সন্ধ্যা থেকে গুরুত্বপূর্ণ সরকারি, আধা-সরকারি, স্বায়ত্ত্বায়িত এবং বেসরকারি ভবন ও স্থাপনাসমূহে আলোকসজ্জা করা হবে। ##

.....
সিকান্দার/রঞ্জল/হালিম/১০২৪/১৬.৩০ঘ